

卷
信

譯

大方廣佛華嚴經卷第十五

二百六
朝三

47830

大方廣佛華嚴經卷第十五

朝

東晉天竺佛陀跋陀羅譯

金剛幢菩薩迴向品第二十一

爾時金剛幢菩薩承佛神力入菩薩明智三昧正受正受已十方各過百萬佛刹微塵數等世界之外各見百萬佛刹塵數諸佛是諸如來悉号金剛幢時彼諸佛告金剛幢菩薩言善哉善哉佛子乃能入是菩薩明智三昧正受善男子十方各百萬佛刹微塵數等世



界諸佛加汝神力故乃能入是三昧正受又
盧舍那佛本願力故威神力故汝智慧清淨
故諸菩薩善根力故欲令菩薩得清淨無所
畏故得無礙不斷辯故入無礙智地故入佛
一切智廣大心故具足無盡諸善根故滿足
無礙白淨法故入普門法界故顯現一切佛
神力變化故淨念過去際智慧不斷故分別
一切佛住持諸根故以無量法門廣說法故
聞持了知無量法故具足演說十迴向故攝
取一切菩薩諸善根故安住出世間法故一
切智不斷絕故開發大願故入真實義故知
法界故令一切菩薩悉歡喜故修一切佛同

善根故護持一切如來性故善男子汝當承
佛神力演說此法安住佛家故長養出世間
諸功德故入陀羅尼光明故入諸佛不滅度
法故普照法界故積集白淨離惡法故住廣
智慧境界住故住無障礙法光明住故尔時
諸佛即與金剛幢菩薩無量智慧與善方便
分別句身無留礙辯與無障礙法明與一切
如來所共之身與無量微妙音聲與諸菩薩
不可思議三昧方便與等心迴向善根智慧
與觀察一切法出生無量方便與一切處說
法無斷辯才何以故彼三昧善根力故尔時
諸佛各申右手摩金剛幢菩薩頂摩其頂已

時彼菩薩即從定起告衆菩薩言佛子是菩薩摩訶薩不可思議大願悉普救護一切衆生菩薩摩訶薩立此願已修學三世諸佛迴向佛子何等爲菩薩摩訶薩迴向菩薩摩訶薩迴向有十去來今佛悉共演說何等爲十

朝古花卷十五

二

湯成

一者救護一切衆生離衆生相迴向二者不

壞迴向三者等一切佛迴向四者至一切處

迴向五者無盡功德藏迴向六者隨順平等

善根迴向七者隨順等觀一切衆生迴向八

者如相迴向九者無縛無著解脫迴向十者

法界無量迴向佛子是菩薩摩訶薩十種迴

向三世諸佛所共演說佛子何等爲救護一

切衆生離衆生相迴向此菩薩摩訶薩行檀
波羅蜜淨尸波羅蜜修羸提波羅蜜行毗梨
耶波羅蜜入禪波羅蜜分別般若波羅蜜修
行積集慈哀悲愍歡悅喜堪忍捨修如是等
無量善根修善根已作如是念我所修習善
根悉以饒益一切衆生究竟清淨以此所修
善根令一切衆生皆悉除滅地獄餓鬼畜生
閻羅王等無量苦惱復作是念我以此善根
迴向爲一切衆生作舍令滅苦惱故爲一切
衆生作護令解脫煩惱故爲一切衆生作歸
令離恐怖故爲一切衆生作趣令至一切智
地故爲一切衆生作安隱令得究竟安隱處

故爲一切衆生作大明令滅癡冥得慧光故
爲一切衆生作炬令滅無明闇故爲一切衆
生作燈令得安住究竟明淨故爲一切衆生
作導令入方便法故爲一切衆生作主寶臣
令得無礙淨智身故佛子菩薩摩訶薩以如
是等無礙善根迴向令一切衆生究竟一切
智佛子此菩薩摩訶薩爲怨親故以諸善根
迴向等無差別何以故菩薩摩訶薩入平等
觀無怨親故常以愛眼視諸衆生若衆生懷
惡於菩薩所起怨逆心菩薩摩訶薩爲一切
衆生作善知識廣爲分別諸深妙法譬如大
海一切衆毒所不能壞菩薩亦復如是一切

童蒙愚癡無智不知報恩瞋恚貢高破戒生
盲如是等類無量過惡不能動亂菩薩道心
譬如日天子出普照天下不以盲人故隱而
不現又復不以軋闥婆城四域塵障阿脩羅
障閻浮樹蔭及餘山障如是等類無量障蔽
故隱而不現菩薩摩訶薩亦復如是常正憶
念未曾散亂深廣安諦心無憂感正意思惟
悉欲究竟功德智慧清淨法光普照世間示
真實義淨修一切諸法智門為諸眾生常修
善根一切眾生有無量惡菩薩摩訶薩不以
惡眾生故嫌恨退沒不行迴向不以難調伏
眾生故退捨善根不行迴向雖有眾生邪見

瞋濁於大莊嚴其心不轉不捨大願救護衆
生若見衆生濁惡無信不知報恩修習菩提
未曾懈廢若與愚癡童蒙共事心無憂惱何
以故我以明淨圓滿慧日出於世間清淨調
伏一切衆生菩薩摩訶薩不爲一衆生故發
心求阿耨多羅三藐三菩提善根迴向不爲
嚴淨一佛刹故不爲信一佛故不爲見一佛
故不爲聞一佛法故不爲滿足一願故菩薩
摩訶薩悉欲救護一切衆生故以善根迴向
具足嚴淨一切佛刹信一切佛見一切佛恭
敬供養一切諸佛聞一切佛所說正法滿足
一切大願故以諸善根迴向阿耨多羅三藐

三菩提菩薩摩訶薩復作是念發菩提心寶
即是如來境界之力廣大平等無有懈怠於
一切劫修學難得與諸佛等菩薩摩訶薩如
是觀諸善根信心清淨長養大悲以諸善根
普為衆生深心迴向非但口言於諸衆生發
歡喜心明淨心柔軟心慈心愛念心攝取心
饒益心安樂心最勝心以諸善根迴向菩薩
摩訶薩以諸善根迴向時作如是念若我所
有迴向功德令一切衆生得清淨趣得清淨
生功德滿足一切世間無能壞者不可窮盡
常得尊重心不錯謬分別了知一切諸趣思
量諸佛具足莊嚴身口意業具足莊嚴一切

功德復作是念以此善根迴向功德今一切
衆生常見諸佛於彼佛所得不壞信於諸佛
所聽受正法離諸疑惑憶持不忘如說修行
於如來所得柔軟心淨身口業心常安住勝
妙善根永離貧法七財滿足修學一切諸佛
所學得諸善根成就平等淨妙解脫一切種
朝 古花 卷十 四
智於一切衆生得慈愛眼其身清淨相好莊
嚴言論辯慧功德具足調伏諸根成就十力
發起諸善心住滿足無所染著今一切衆生
具佛快樂得無量住住佛所住此菩薩摩訶
薩復作是念一切衆生造作無量諸不善業
因是業故受無量苦不見如來不聞正法不

識淨僧此諸衆生具有無量大大惡罪業應受
無量無邊楚毒我當於彼三惡道中悉代受
苦令得解脫我當代受無量苦惱不以苦故
其心退轉恐怖懈怠捨離衆生何以故我為
衆生荷負重擔滿平等願度脫一切生老病
死愁憂苦惱無量諸難流轉生死一切邪見
失諸善法愚癡無智我當悉度免此衆苦衆
生常為愛網所纏無明覆蔽深著有愛為之
走使不得自在縛在苦獄隨諸魔業於諸佛
所心生疑惑不得出世道不見安隱處常馳
無量生死曠野受無量苦菩薩摩訶薩見彼
衆生沒生死泥受衆楚毒起大悲心饒益衆

生今得善利免度苦難善相迴向以大迴向
迴向如三世菩薩迴向如諸佛所說大迴向
經迴向今一切衆生悉得清淨具足善根究
竟一切智復作是念我當悉令一切衆生得
無上智王安隱住處不爲自度但欲令彼出
生死淵得一切智心拔出衆生惡道險谷救
無量苦度生死流復作是念我當爲一切衆
生受無量苦令諸衆生悉得免出生死沃焦
我當爲一切衆生於一切刹一切地獄中受
一切苦終不捨離我當於一一惡道盡未來
劫代諸衆生受無量苦何以故我寧獨受諸
苦不令衆生受諸楚毒當以我身免贖一切

惡道衆生今得解脫菩薩摩訶薩復作是念
我悉當爲一切衆生作誠實語者離惱害心
不捨衆生何以故我因衆生發菩提心度脫
一切不求尊貴不求五欲不求世間種種樂
故行菩薩道何以故五欲是世間法諸魔境
界愚人所行諸佛訶責彼能出生一切苦惱
朝 古花嚴 卷五 五
地獄餓鬼畜生閻羅王虺忿恚鬪諍更相訟
說皆由五欲積習五欲遠離諸佛能障生天
況無上道菩薩明見五欲有如是等無量過
患是故不以五欲修菩薩行但欲饒益安隱
衆生發菩提心求無上道令一切衆生得一
切利具諸大願斷絕衆生煩惱鈎餌離無量

苦菩薩摩訶薩復作是念我當以諸善根迴
向今一切衆生得種種樂究竟樂饒益樂不
共樂寂靜樂無染樂無動樂無量樂不死不
轉樂不滅樂一切智樂我當為一切衆生作
調御師作主蔽臣作大明炬示安隱趣令離
諸難解一切法我當令解諸甚深義我當為
作一切智船度生死海我當令知無量善根
迴向我當悉為示現彼岸菩薩摩訶薩以是
無量善根迴向救護一切度生死海令諸如
來皆悉歡喜得一切智捨離衆魔遠惡知識
親近菩薩勝善知識成就淨業盡滅衆惡具
足菩薩無量願行一切善根菩薩摩訶薩以

諸善根正迴向已作如是念不以四天下一
一衆生故一一日出但一日出世悉能普照
一切天下又諸衆生不以自身光明知有晝
夜遊行觀察興造諸業皆由日天子出普照
天下一切衆生無業不就菩薩摩訶薩亦復
如是修諸善根迴向普為衆生作如是念彼
諸衆生無智慧光尚不自照何況照他唯我
一人志獨無侶修諸善根迴向欲為度脫一
切衆生普照一切衆生分別一切衆生了達
一切衆生令一切衆生入甚深法攝取一切
衆生成就一切衆生悅樂一切衆生柔軟一
切衆生滅除一切衆生疑惑菩薩摩訶薩復

作是念我當修學如日天子普照一切不求
恩報不爲惡衆生故捨大莊嚴亦不以一惡
衆生故捨離一切而不度脫但勤修習善根
迴向欲令衆生得一切樂攝少善根迴向廣
大若諸善根不能饒益衆生者我終不以善
根迴向以諸善根悉與衆生發心迴向令一
切衆生不著諸法故迴向以衆生性迴向而
無所至菩薩如是迴向亦無所著不取所有
性安住諸善根不取相迴向業報虛妄無所
有亦無所著不取五陰相迴向不壞五陰相
迴向不取虛妄業迴向不求報不起虛妄因
緣不生不起不住不住堅固相不住虛妄法

朝

古光 卷十五

六

湯成

不取衆生相不分別世界不住心顛倒想顛
倒見顛倒不著語言道但欲令衆生解真實
法迴向觀察一切衆生平等迴向法界印印
諸善根迴向離欲等法觀察善根迴向解一
切法離於顛倒得諸善根以無二法觀察法
界迴向彼迴向不生諸法不滅諸法以如是
等善根迴向修行清淨諸對治法迴向觀一
切善根皆悉迴向出世間法於彼善根不作
二相薩婆若非即是業亦不離業迴向觀察
薩婆若不即是業亦不離業得薩婆若願智
業照明清淨故報亦照明清淨報照明清淨
故薩婆若亦照明清淨捨離一切動亂覺觀

憍慢放逸隨方便智以諸善根迴向今一切
衆生悉得真實究竟解脫不著法性無量無
邊善根迴向諸法無業報而出生業報菩薩
摩訶薩以如是等善根迴向則能永離一切
諸惡佛所讚歎佛子是為菩薩摩訶薩第一
救一切衆生離衆生相迴向尔時金剛幢譬
薩承佛神力普觀十方及一切衆觀察法界
入深句義味大悲普覆一切衆生護持三世
佛種不斷入一切佛諸功德藏出生諸佛清
淨法身善能分別諸衆生心過去所種一切
善根知時不失具足法身善能示現清淨色
身以曷須曰

不思議劫所修行
精進堅強意無礙
其心清淨離瞋恚
深解諸法救衆生
勇猛精進力具足
忍心堅固不傾動
於無等所心安住
菩薩忍力如大地
不以苦行自求樂
常能救護諸群生
十方一切諸世界
常為衆生心安住

朝古花

卷五

七

常為饒益諸群生
常求諸佛妙功德
恭敬供養調御師
彼能善入迴向藏
智力照明甚清淨
常能救護諸群生
踊悅歡喜意清淨
悉能饒益諸衆生
大慈悲起無量行
彼人速入無礙地
其中衆生皆攝取
修學無量諸迴向

以歡喜心行布施
勇猛精進心堅固
其心廣大不可量
淨修一切諸禪定
十方一切世界中
智慧迴向諸功德
彼人積集衆善業
欲令衆生具修習
普爲一切衆生故
菩薩心常無懈怠
不求色聲諸香味
常求無上最勝智

具足護持清淨戒
清淨智慧善迴向
忍力堅強常迴向
智慧深妙難思議
具足修習清淨行
以一切樂益衆生
無量無邊不可數
住不思議深妙智
不思議劫住地獄
決定功德常迴向
亦不希望一切觸
度脫一切諸群生

菩薩智淨如虛空
最勝所行淨業道
菩薩遊行諸世界
悉令一切皆歡喜
除滅一切心垢穢
不自為己求安樂
菩薩迴向到彼岸
具足修習三世佛
菩薩未曾染著心
不住一切諸三昧
諸佛所知衆生類
究竟度脫諸群萌

普行無量大士行
無量名稱常修行
常能安隱群生類
修菩薩行無猷足
思惟修習無上智
常欲利益諸群生
除滅無量心穢毒
無量清淨諸功德
受想行識亦如是
所有功德悉迴向
皆悉攝取無有餘
是名菩薩殊勝行

菩薩一切心安住
離癡正念伏諸根
一切內外所有法
如風行空無所礙
所起身業常清淨
於最勝所言不虛

朝古花 卷十五

開悟弥廣不可稱
身口意業常寂然
皆悉虛妄無真實
菩薩心行亦如是
能令諸佛悉歡喜
意常專向諸如來

法五

十方無量諸世界
於彼覩見大悲尊
心常遠離一切惡
心常安住如來道
善修分拆一切法
善能趣向真法性

所有最勝悉往詣
悉能恭敬供養之
處大衆中無所畏
彼為三有清涼池
具足了達諸有無
深入無諍勝三昧

修習菩薩堅固行

明學了達甚深義

究竟迴向到彼岸

遠離一切諸味著

一切衆生語言法

談論巧妙無愛著

菩薩如是行迴向

能令十方諸世界

佛子何等爲菩薩摩訶薩第二不壞迴向此

菩薩摩訶薩於去來今諸如來所得不壞信

一切諸佛皆悉歡喜於諸菩薩所乃至初發

一念求菩薩善根及一切智於彼菩薩得不

一切衆生莫能壞

於三世法無所著

普令衆生悉清淨

菩薩所行無所倚

於彼智慧無障礙

心常安處無礙住

無量善心功德藏

一切如來皆歡喜

壞信悉於一切諸佛法中一向直心而不可
壞於諸佛教得不壞信守護一切諸如來法
得不壞信常以愛眼等觀一切以善根迴向
今彼衆生獲諸善利得不壞信於白淨善根
得不壞信何以故修習一切諸善根故於一
切菩薩迴向得不壞信直心解脫得滿足故
於一切菩薩諸法師所得不壞信具足起如
來想故於如來自在神力得不壞信諦信諸
佛想故於如來自在神力得不壞信諦信諸
佛難思議故於一切菩薩方便得不壞信攝
取種種無量無數行境界故佛子菩薩摩訶
薩如是安住不可壞信於佛菩薩聲聞緣覺

如來正教一切衆生如是等無量境界種諸
善根分別諸善根長養菩提心修習大慈所
生善根廣修大悲平等觀察學佛所學隨順
諸佛攝取一切清淨善根深入實義集功德
戲行大惠施修諸功德等觀三世菩薩摩訶
薩如是等善根功德迴向一切智常見諸佛
親近善知識常與無量諸菩薩會念薩婆若
心無散亂受諸佛教興護法心教化成就一
切衆生心常不離出世迴向供養守護一切
法師解了諸法修習滿足一切大願菩薩摩
訶薩如是精勤修習無量善根積集長養善
根正念思惟觀察境界真實等義恭敬供養

威儀具足善根迴向菩薩摩訶薩善根迴向
已作如是念以此善根迴向所得依果令我
修行菩薩行時於念念中見一切佛令彼諸
佛皆悉歡喜於諸如來應供等正覺如佛所
應而以供養以阿僧祇寶阿僧祇華阿僧祇
香阿僧祇塗香阿僧祇鬘阿僧祇衣阿僧祇
蓋阿僧祇幢阿僧祇幡阿僧祇莊嚴阿僧祇
莊嚴具阿僧祇供給阿僧祇練香阿僧祇信
樂阿僧祇敬念阿僧祇淨信燒阿僧祇堅固
香阿僧祇上味飯食阿僧祇恭敬阿僧祇禮
拜阿僧祇一切寶座阿僧祇一切華座阿僧
祇一切香座阿僧祇一切鬘座阿僧祇一切

拜阿僧祇一切寶座阿僧祇一切華座阿僧祇
祇一切香座阿僧祇一切鬚座阿僧祇一切
清淨栴檀座阿僧祇一切衣座阿僧祇一切
金剛座阿僧祇一切摩尼寶座阿僧祇一切
寶繒座阿僧祇一切寶色座阿僧祇一切寶
輪阿僧祇一切華輪阿僧祇一切香輪阿僧
祇一切鬚莊嚴輪阿僧祇一切寶衣輪阿僧
祇一切寶莊嚴輪阿僧祇一切寶繒敷輪建
立阿僧祇一切寶多羅高顯輪阿僧祇一切
寶欄楯輪阿僧祇一切寶網輪羅覆其上阿
僧祇一切妙寶宮殿嚴飾殊特出過諸天阿
僧祇一切華宮殿阿僧祇一切香宮殿阿僧
祇一切寶鬚宮殿阿僧祇一切栴檀宮殿阿
僧祇一切堅固香藏宮殿阿僧祇一切金剛宮

殿阿僧祇一切摩尼寶宮殿皆悉殊妙出過
諸天阿僧祇諸雜寶樹阿僧祇種種香樹阿
僧祇諸寶衣樹阿僧祇妙音樂樹阿僧祇妙
音聲樹阿僧祇無獸寶樹阿僧祇垂寶繒幡
樹阿僧祇寶莊嚴樹阿僧祇一切華一切鬘
一切香一切塗香一切蓋一切幢一切幡樹
如是等諸妙寶樹莊嚴殊特以用莊嚴無數
宮殿阿僧祇寶欄楯莊嚴阿僧祇寶窓莊嚴
阿僧祇寶徧樓閣莊嚴阿僧祇內帳莊嚴阿
僧祇半月莊嚴阿僧祇樓閣莊嚴阿僧祇寶
帳莊嚴阿僧祇白寶網羅覆其上燒阿僧祇
堅固香阿僧祇寶衣以敷其地以如是等諸

如

古花嚴

卷五

十

湯五

莊嚴具莊嚴無數宮殿出過諸天以如是等
上妙供養於無量無數不可說不可說劫調
伏諸根敬心供養一切如來此諸最勝般涅
槃後供養舍利欲令一切衆生皆悉歡喜攝
取一切衆生善根令一切衆生離無量苦發
菩提心令一切衆生以大莊嚴而自莊嚴無
量莊嚴超出一切衆生境界示現佛法難可
值遇滿足阿僧祇諸如來力清淨信心供養
導師受持守護一切佛法如是供養現在諸
佛及涅槃後供養舍利於無量阿僧祇劫說
供養具不可窮盡諸佛成就無量功德教化
度脫一切衆生我常供養彼諸如來心不退

轉無有休息未曾懈怠不懷憂惱亦無所著
無有心想於諸法中而無所染無所依止不
味善根離一切著以實法印印業法門生一
切法住佛所住觀無生性境界法印印彼發
心受持如來清淨迴向觀察平等法性迴向
入無行方便出生諸行心捨一切迴向無量
方便迴向離一切有迴向安住離相方便修
習法門善根迴向菩薩從初發心修習一切
諸妙善根皆悉迴向以此善根於生死中而
不可壞求一切智心不退轉處一切有寂定
不亂度脫一切衆生不著生死得無礙智門
修菩薩行而彼善根不可窮盡世間諸法所

不能壞具足清淨諸波羅蜜究竟一切智力
菩薩摩訶薩如是捨離癡闇成菩提心普照
一切長白淨法善根迴向具足衆行清淨直
心觀察平等深入諸法知業如幻業報如電
諸行如化因緣生法如響菩薩行如影無著
法眼之所出生無作所作其性寂滅入有爲
朝
古花齋卷十五
二
湯成
無爲於一切法了達無二解如實性分別菩
薩一切行相不著諸相善知方便入同事業
不捨一切白淨善法離一切障無礙無著常
爲諸佛之所護念遠離愚癡如是菩薩摩訶
薩成就善根出生善法不壞業報明見真實
善解迴向以方便力出生業報究竟法性得

到彼岸了。達諸法迴向大智。諸業善根。其心
清淨。行無所行。菩薩摩訶薩。如是善根迴向。
欲度脫一切衆生。佛種不斷。滅諸惡業業報。
迴向一切衆生。得無量智。成一切智。離世境
界。滅諸煩惱。究竟清淨。成就智慧。入深方便。
捨生死苦。成就諸佛無量善根。摧伏魔業。得
平等法印。以印諸業。隨順薩婆。若無上菩提。
菩薩摩訶薩。行如是善根。迴向善根。明淨普
照。一切具足。成就薩婆。若乘佛子。是為菩薩
摩訶薩。第二不壞。迴向菩薩摩訶薩。安住此
迴向。得見無量阿僧祇佛。悉得無量清淨妙
法。普於衆生。得平等心。捨離愚癡。入一切法。

得諸如來自在神力降伏眾魔滅諸魔業具足生貴菩提之心得無礙智不由他悟於一切法具真實義於一佛刹悉能受持分別其相智慧具足普照眾生菩薩摩訶薩以此不壞迴向力攝取一切善根迴向。尔時金剛幢菩薩承佛神力普觀十方乃至以偈頌曰

修習無量無數業
能令諸佛悉歡喜
所供養佛難思議
彼為一切修迴向
一切上妙諸華香
種種莊嚴及寶蓋

所乘堅固不可壞
是名智者所迴向
布施持戒伏諸根
清淨無量眾生故
無量無數眾寶衣
供養一切諸如來

如是無量諸供具

恭敬供養調御師

專心觀察諸最勝

現在十方一切佛

不可思議無量劫

不可思議無量劫

善分別知諸心想

悉知諸根無有餘

心大歡喜無有量

不思議劫忍住世

一切諸佛滅度已

悉以無量妙雜寶

不可思議曠劫中

心常歡喜無厭足

一切世間大明燈

皆悉覩見如目前

修行布施無厭足

修諸善根亦無厭

如實觀察無虛妄

常能饒益一切眾

信心清淨而恭敬

饒益救度一切眾

供養舍利無厭足

建立恒沙諸塔廟

造作無數尊形像
巍巍高大如山王
修學積集諸功德
菩薩善知行迴向
若能如是修迴向
勝妙智慧觀諸法
方便修習令心淨
以不可盡諸方便
發起無上菩提心
普至十方諸世界
方便啓導衆生心
觀察衆生心平等

寶藏淨金而莊嚴
其數無量不思議
勝妙堅固不可壞
分別非有亦非無
功德無量不可盡
皆能了達無所生
悉與一切如來等
迴向無盡如來藏
一心世間無所依
於一切衆心無礙
悉令出生佛菩提
推求真實不可得

一切諸法悉無餘
迴向無著清淨眼
欲令諸有悉清淨
分別所有無所有
於一佛刹無所著
不取一切有為法
方便迴向薩婆若
普令諸佛悉歡喜
菩薩一心念諸佛
如諸如來無所著
常欲救護一切衆
常二 饒益衆生心

了達其性無所有
永離一切世間苦
心不妄取諸法相
能令心淨大歡喜
了諸佛土無堅固
亦不染著法自性
無上智慧自莊嚴
是為菩薩迴向業
無上智慧巧方便
令我悉獲此功德
遠離無量諸惡業
於饒益心無虛妄

隨所任地守護法

一切如來無二法

一切世界諸趣中

菩薩不緣語言道

十方一切諸如來

離一切趣而受生

以一莊嚴一切嚴

了達世間悉虛妄

大方廣佛華嚴經卷第十五

示現涅槃實不滅

願我迴向亦如是

於有為法無所著

亦不染著無語言

悉攝諸法無有餘

於所離生無虛妄

亦不分別此諸法

一切所行無所有

卷第十五